

Swcigih Minzyijveij Fucujiyin Yangz Gijbyauh Bae Vanz-gyangh Diuyenz Hong Swnjcienz Baujhoh Vah Mauznanzcuz

自治区民语委副主任杨启标到环江调研毛南族语言传承保护工作

4 nyied 1 hauh daengz 2 hauh, Swcigih Minzyijveij fucujiyin Yangz Gijbyauh daiq boubien ganbu gohyenzcu caeuq yingyungcu bae daengz Vanzgyangh Mauznanzcuz Swciyen diuyenz gij hong swnjcienz caeuq baujhoh vah Mauznanzcuz, laebguh aen sugigu singyaem vah Mauznanzcuz.

Mauznanzcuz dwg guet raeuz aen saujsu minzcuz vunzsoq youq 10 fanh doxdaug ndeu, Mauznanzcuz miz vah, vwnzva, fungsup sibgveng caeuq

cunghgyau sinyangj swheij, hoeng mbouj miz cihsaw, swnjcienz vwnzva baengh bak gangj bak son. Laebguh aen sugigu singyaem vah Mauznanzcuz dwg gidij dijen le losiz guetgya mizgven minzcuz yijvwnz cwngeuz, dwg aen guhfap naekhung baujhoh, swnjcienz, haifat vah minzcuz swheyz caeuq doicaenh vah minzcuz cihsaw saenqsikvaq gensez ndeu.

(Veiz Vwnzsiengz)



Sanhgyangh: Siuq Duncuz Okmingz Doh Lajmbwn

三江：侗族刺绣驰名中外

Siuq Duncuz dwg Sanhgyangh Duncuz Swciyen cungj yisuz ndawbiengz ndeu. Ciuq dangdieg fungsug, dahsau Duncuz daij rox saeh hwnj couh aeu hag nyib buhvaq Duncuz, rox guh Siuq Duncuz.

Siuq Duncuz dwg beixnuengx Duncuz youq gwnz baengzdoj Duncuz bakcim bakmae siuq okdaej, mbawsuq yawj hwnjbae swyenz, buzsu, daihfung, siuq baenz gij doz haenx gyaundeidei dangqmaz. Siuq Duncuz mboujdanh doz gyaundeidei, louzyo gyaciz gig sang. 2009 nienz, Siuq Duncuz ndaej liedhaej swcigih feihvuzciz vwnzva yizcanj baujhoh mingzloeg. 2010 nienz, miz 270 gienh Siuq Duncuz ndaej daengz Daihaet Gaiq Cunghgoz—Dunghmungz Bozlanjvei Cujveijvei ceijdingh guh “laex guet” soengq hawj gyoengq daibyaug gak guet haenx.

Seizneix, vunz rox Siuq Duncuz yied daej yied lai, vunz daej cawx hix yied daej yied lai, mboujdanh youq ndaw guet ndei gai, lij gai daengz Yinghgoz, Gyahnazda, Dunghnanzya gak guet dem. Siuq Duncuz gaenq okmingz doh lajmbwn. (Sinhvazse)



▲ Mehmbwk Duncuz daij-siuq Siuq Duncuz.



▲ Siuq Duncuz gyaundeidei raixcaix.

Buen Doenghgo Daeuj Gwnzdangz

植物搬到课堂上

Nanzningz Si Binhhuzlu Siujoyz mboengqneix youq ndaw hagdangz gaihcanj aen gohyoz godangz aeu “Baujhoh Swngh-dai Vanzging” guh cawjdaez hozdung, lauxsae dawz doenghgo daej gwnzdangz, dawz hagseng gag caz-yawj caeuq lauxsae son cihsiz giethab hwnjdaej, sawj hagseng rox baujhoh swnghdai vanzging dwg aen yiye naekhung ndeu.

(Dwng Yiz)



Gih Raeuz Gak Dieg Ginzung Cingmingz Caeq Senhleiz

各地群众清明举办缅怀先烈活动

4 nyied 2 hauh, ndaw Lezsw Gijnenbeih Yenz Hingh' anh Yen yienghwnj sing go gozgoz goksasa, Hingh' anh Yen fanh lai boubien ganbu ginzung, boubien caeuq hagseng soemh fwn daej daengz gizneix caeq hungzginh lezsw, gyoengqde doeg Mauz Cwzdungh sihcwz 《Cizliz·Cangzcwngh》, soengq gyongxva, swxva hawj hungzginh lezsw, baiq lezsw, dauqniemh gwzming senhleiz vih Cungguek gwzming guh gvaq gij cingzcih ronghrwg haenx, aeu neix daej biujdap doiq senhleiz aeueiq gingqcong.

(Vwnz Yez)

4 nyied 2 hauh, ciet cingmingz yaek daengz gaxgonq, Cingsih Yen cunghyoz, siujyoz hagdangz cujiz gyoengq saeseng gaihcanj “dauqniemh gwzming senhleiz, gyoaen vuenyungz swnghhoz” caeq hoenz senhleiz hozdung, gyoengq saeseng doengqvaq bae lezsw lingzyenz caeq moh lezsw, ngonzyawj lezsw cinzlezgvanz daengj hingzsih dauqniemh gwzming senhleiz, ciepsouh gyaezguek cuji gyauyuz.

(Cau Ginhvuj)



▲ Cingsih Yen hagseng hawj lezsw gijnenbeih soengq gyongxva.

► Hagseng soengq va hawj hungzginh lezsw.

